

Naalakkersuisut Ilulissani GUX-imik tassungalu atatillugu ilinniartut inaannik kingusinnerpaamik ukioq 2027 naatinnagu pilersitsinissaannut peqquneqarnissaannik Inatsisartunut aalajangiiffigisassatut siunnersuut.
(Inatsisartunut ilaasortaq Jens NapätôK', Naleraq)

Akissuteqaat

(Iliniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerpeqarnera

Kultureqarnermut, Iliniartitaanermut, Ilisimatusarnermut Ilageeqarnermullu Ataatsimiititaliap peqqissaartumik sulineranut isumaliutissiineranullu Naalakkersuisut qujassuteqarput.

Inatsisartut sulineranni nunatta avannaani ilinniartitaanerup nukittorsarneqarnissaanik pisariaqartitsinermut annertuumik soqutiginninnermut tapersersuinernullu Naalakkersuisut naammagisimaarinnipput, aamma ilisimasanik piginnaasanillu tunngaveqarluni suliap ingerlaqqinnissaanut qilanaarput.

Qitiusumik ilinniarfiit pikkorissaanerinit ilinniartitsinerinullu ukiumoortumik nalunaarusiaasartut ukiut tamaasa saqqummersinneqartarnissaat Naalakkersuisut aamma qulakkiissavaat.

"Suliassap naatsorsuutigineqartup kingunerisaanik ilinniartitaanermut illut pillugit immikkoortotaqarfiup pilersaarusiorneqarnerani suliassat ingerlateqqinneqarnissaat naatsorsuutigineqarpoq, takuuk Immikkoortumut pilersaarutit pillugit Namminersorlutik Oqartussat nalunaarutaat 2025-imeersoq. Tamanna qulakkeernissaanut pingaaruteqarlunnarpoq, ilinniartitaanermut tunngatillugu pisariaqartitsinermik tunngaveqartumik pingaarnersiunermi."

Taamatut oqaaseqaatit tunngavigalugit ataatsimiititaliap allannguutissatut siunnersuutaannut Naalakkersuisut isumaqataapput:

"Inuussutissarsiutinut sammiveqartumik ilinniarfiutigaluni inuussutissarsiutinut sammiveqartumik ilinniarnertuunngorniarfimmik Ilulissani neqeroorutaasussanik pilersitsisoqarnissaanut pisariaqartitat pillugit misissuisussanik immikkut ilisimasalinnik arlaannaannulluunniit attuumassuteqanngitsunik suleqatigiissitamik pilersitsinissaannut Naalakkersuisut peqquneqarnissaannik Inatsisartunut aalajangiiffigisassatut siunnersuut. Immikkut ilisimasalinnik suleqatigiissitaq, ilaatigut ilinniartunut inissianut aningaasalersuisinnaanermullu periarfissanut tunngasunik, kaammattuuteqassaaq."

taamaattumik allannguutissatut siunnersuut akuersissutigineqarnissaa innersuussutigaarput.

